



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e-mail: info@voda.ba

Broj: **UP-1/21-3-40-446-5/23**
Datum: **03.05.2024. godine**

„Agencija za vodno područje rijeke Save“ Sarajevo (u daljnjem tekstu: Agencija) rješavajući po zahtjevu korisnika „GRADNJA-FINAL“ d.o.o. Bužim, za izdavanje vodne dozvole za ispuštanje tehnoloških otpadnih voda sa lokacije pogona za proizvodnju betona i betonskih elemenata, na osnovu člana 109. stav 1. tačka 2. Zakona o vodama („Službene novine Federacije BiH“, broj 70/06) i člana 200. stav (1) Zakona o upravnom postupku („Službene novine Federacije BiH“, broj 2/98, 48/99 i 61/22), donosi

RJEŠENJE **o vodnoj dozvoli**

1. Daje se vodna dozvola korisniku „GRADNJA-FINAL“ d.o.o. Bužim za ispuštanje tehnoloških otpadnih voda sa lokacije pogona za proizvodnju betona i betonskih elemenata lociranog u naselju Varoška Rijeka, izgrađenog na zemljištu označenom kao k.č. broj 3272/2 i 3273/2, K.O. Varoška Rijeka i k.č. broj 1257 K.O. Lubarda, općina Bužim.
2. Ova vodna dozvola se odnosi isključivo na ispuštanje tehnoloških otpadnih voda za predmetni poslovni objekt definisan tačkom 1. ovog rješenja i ne oslobađa podnosioca zahtjeva obaveze pribavljanja vodne dozvole za korištenje vode i ispuštanje sanitarnih otpadnih voda, za čije je izdavanje nadležno Ministarstvo poljoprivrede vodoprivrede i šumarstva Unsko-sanskog kantona, u skladu sa članom 139. stav 2. tačka 1. i 2. Zakona o vodama.
3. Vodna dozvola se daje na osnovu činjeničnog stanja utvrđenog pregledom dostavljene dokumentacije i **detaljnog dinamičkog plana** te izvršenim uviđajem na licu mjesta, pod slijedećim uslovima:
 - 3.1. Da korisnik predmetnih objekata pogona za proizvodnju betona i betonskih elemenata sa pratećim sadržajima, iste održava u funkcionalnom stanju i koristi u skladu sa njihovom prirodom i namjenom te u skladu sa uslovima iz ove vodne dozvole.
 - 3.2. Da u roku važenja ovog rješenja, korisnik, „GRADNJA-FINAL“ d.o.o. Bužim, u skladu sa dostavljenim dinamičkim planom na osnovu izmjene i dopune Uredbe o uvjetima ispuštanja otpadnih voda u okoliš i sisteme javne kanalizacije broj „Službene novine Federacije BiH“ broj 1/24, izradi, reviduje i realizuje projektnu dokumentaciju (glavni projekt sa snimkom izvedenog stanja) te isti realizuje izvođenjem radova vanjskog uređenja predmetnog lokaliteta sa tehničkim rješenjem sistema za prikupljanje, tretman i ispuštanje otpadnih voda iz objekta i sa lokacije predmetnih objekata pogona za proizvodnju betona i betonskih elemenata sa pratećim sadržajima, na nivou glavnog projekta, odnosno u skladu sa članom 1. izmjene Uredbe 1/24, izmjenjena člana 26 stav (4): Detaljan dinamički plan iz tačke (3) ovog rješenja je uvjet za izdavanje vodne dozvole za ispuštanje tehnoloških otpadnih voda i čini njen sastavni dio, a aktivnosti i rokovi realizacije dinamičkog plana su sastavni dio uvjeta sadržanih u dispozitivu rješenja o vodnoj dozvoli kako slijedi:
 - 3.3. Da se do 31.05.2024. godine izradi sabirni šaht za pranje na novoj betonari kapaciteta cca 30 m³.
 - 3.4. Da se 31.10.2024. godine postave ivičnjaci oko radne površine i manipulativnog prostora na postojećoj betonari.
 - 3.5. Da se do 30.11.2024. godine izrade rigoli i postave ivičnjaci uz postojeću saobraćajnicu koja prolazi između postojeće i nove betonare u izgradnji.
 - 3.6. Da se do 30.04.2025. izrade dva sabirna šahta i postavi separator na postojećoj betonari.
 - 3.7. Da se do 30.06.2025. godine postave cijevi koje spajaju radnu površinu betonare u izgradnji do sabirnog šahta na postojećoj betonari.
 - 3.8. Da se do 30.04.2026. godine uredi okoliš i pojas uz saobraćajnicu na postojećoj i novoizgrađenoj betonari.
 - 3.9. Da se do 30.06.2026. godine izvrši pregled i prijem radova.
 - 3.10. Projektna dokumentacija treba biti urađena od strane projektne firme koja ima pribavljeno ovlaštenje od strane Federalnog ministarstva poljoprivrede, vodoprivrede i šumarstva (lista «A») u skladu sa Pravilnikom o uvjetima i kriterijima...

- 3.11. Projektna dokumentacija pored općih uvjeta treba da detaljno obradi: situaciju terena u odgovarajućem mjerilu sa ucrtanim svim objektima koji su spojeni na vodovodnu i kanalizacionu mrežu, proračun potrebnih količina vode za namjenu koja je predmet vodne dozvole (potrebne količine sanitarne vode, vode za izradu betona, vode za čišćenje i održavanje pogona, manipulativnog prostora i sl.). Također, treba da sadrži proračun količina i vrste otpadnih voda, koji treba da sadrži analizu hidrauličnog opterećenja i stepen prečišćavanja prikupljene otpadne vode u odnosu na granične vrijednosti ispuštanja u površinske vode u skladu sa Uredbom o uvjetima ispuštanja otpadnih voda u okoliš i sisteme javne kanalizacije te način prikupljanja, tretmana i ispuštanja oborinskih, zauljenih i ostalih otpadnih voda sa radnih, manipulativnih i prometnih površina pogona, površina namijenjenih za parking i skladištenje agregata, skladištenja otpada i gotovih proizvoda. Isto tako projekt treba da obradi način prikupljanja i ispuštanja oborinskih voda sa krovova objekata pogona, način zbrinjavanja fekalnih otpadnih voda iz upravnih i sanitarnih prostorija, mjesto za monitoring otpadnih voda, obradu podloge radnih i manipulativnih površina te mora definirati položaj objekta u odnosu na vodno dobro i poplavno područje vodotoka rijeke Bužimice, koja protiče pored prostora pogona. Sagledati sve moguće neželjene uticaje na planirani objekt, i planiranog objekta na druge objekte i postrojenja, stečena prava korisnika, postojeću infrastrukturu, naselja i slično, te dati prijedlog mjera za sprečavanje tih uticaja.
- 3.12. Projektnom dokumentacijom je potrebno definirati način pranja i održavanja radnog prostora pogona za proizvodnju svježe betonske mase sa naročitim osvrtom na pranje i održavanje mjesta za pranje automješalica za transport betona. Predvidjeti izradu taložnika za tretman nastalih tehnoloških otpadnih voda sa korištenjem istih u procesu pranja i održavanja radnih površina, mašina i uređaja (automješalica, i slično).
- 3.13. Izvršiti proračun visokih voda rijeke Bužimice na nivou stogodišnjih voda, na predmetnoj lokaciji te definirati mjere zaštite od eventualnog plavljenja objekta i postrojenja.
- 3.14. Da se u skladu sa dostavljenim dinamičkim planom, isti i realizuje izvođenjem radova vanjskog uređenja predmetnog lokaliteta sa tehničkim rješenjem sistema za prikupljanje, tretman i ispuštanje otpadnih voda iz objekta i sa lokacije predmetnih objekata pogona za proizvodnju betona i betonskih elemenata sa pratećim sadržajima, u skladu sa projektnom dokumentacijom.
- 3.15. Da se istrošena ulja, nauljene krpe i sav opasan otpad koji se može pojaviti u proizvodnom procesu i u procesu čišćenja i održavanja postrojenja redovno prikuplja i propisno, privremeno skladišti u metalne spremnike, do krajnjeg, ekološki prihvatljivog zbrinjavanja od strane ovlaštene organizacije, a prema sačinjenom ugovoru.
- 3.16. Objekte za prikupljanje, tretman i ispuštanje tehnoloških otpadnih voda (slivnici, rešetke, kanalizaciona mreža, uređaji za tretman i dr.) potrebno je održavati i koristiti na takav način koji će obezbijediti njihovu potpunu ispravnost i funkcionalnost. O načinu i vremenu radova održavanja neophodno je voditi službenu evidenciju i arhivu.
- 3.17. Da se oborinske vode sa krovova objekata kompleksa pakupe i zatvorenim sistemom kanizacionih cijevi odvedu direktno u recipijent, odnosno, uraditi sve prema projektnoj dokumentaciji iz tačke 3.1. i 3.2. ovog Rješenja.
- 3.18. Da se sa opasnim i štetnim materijama postupa savjesno pri skladištenju, transportu i pretovaru kako ne bi došlo do štetnih posljedice uslijed prosipanja istih.
- 3.19. Da se tokom važenja ovog Rješenja obezbijedi minimalan broj uzorkovanja otpadnih voda iz okna za monitoring (mjerna mjesta definisana projektnom dokumentacijom iz tačke 3.1. i 3.2.), u skladu sa članom 19. stav (4) Uredbe o uslovima ispuštanja otpadnih voda u okoliš i sisteme javne kanalizacije. Učestalost i način ispitivanja vršiti u skladu sa članom 3. Uredbe o izmjenama i dopunama uredbe o uslovima ispuštanja otpadnih voda u okoliš i sisteme javne kanalizacije („Službene novine Federacije BiH“, broj: 1/24). Rezultate analiza dostaviti ovoj Agenciji. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti („Službene novine Federacije BiH“, broj 14/10, 14/13, 26/14, 23/17 i 41/20).

4. Vlasnik, odnosno korisnik objekta je obavezan vršiti plaćanje posebne vodne naknade za ispuštanje otpadnih voda u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16).
5. U periodu važenja ove dozvole, korisnik „GRADNJA - FINAL“ d.o.o. Bužim je dužan provoditi sve mjere i aktivnosti propisane istom.
6. Ukoliko radom predmetnog objekta dođe do promjene režima površinskih ili podzemnih voda, a te promjene prouzrokuju štete ma kakvog karaktera, korisnik vodne dozvole je obavezan uzroke štete otkloniti, a nastalu štetu nadoknaditi.
7. Prava stečena po ovoj dozvoli ne mogu se prenositi na treća lica.
8. Vlasnik, odnosno korisnik objekta nema pravo na naknadu eventualnih šteta prouzrokovanih plavljenjem i iste padaju na njegov teret u skladu sa članom 20. stav (7) Zakona o vodama.
9. Ova vodna dozvola, u skladu sa članom 1. stav (1) Uredbe o izmjenama i dopunama uredbe o uslovima ispuštanja otpadnih voda u okoliš i sisteme javne kanalizacije („Službene novine Federacije BiH“, broj: 1/24) daje se sa rokom važenja do 30.06.2026. godine.
10. Prije isteka važnosti ove dozvole, Investitor je dužan da podnese zahtjev za izdavanje nove vodne dozvole.
11. Ovo rješenje o vodnoj dozvoli može se izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.
12. Uslov za izdavanje nove vodne dozvole je ispunjenje uslova iz dispozitiva ovog Rješenja.

Obrazloženje

Investitor, „GRADNJA - FINAL“ d.o.o Bužim obratio se ovoj Agenciji dana 16.10.2023. godine (zaprimljen 15.10.2023. godine) zahtjevom za izdavanje vodne dozvole za ispuštanje tehnoloških otpadnih voda sa lokacije pogona za proizvodnju betona i betonskih elemenata u naselju Varoška Rijeka, općina Bužim.

U provedenom postupku, uz zahtjev za izdavanje vodne dozvole dostavljena je i pregledana slijedeća dokumentacija:

- Ovjerena kopija Rješenja o izmjenama podataka o upisu subjekta upisa u sudski registar, broj: 017-0-Reg-22-000475 izdano dana 15.07.2022. godine od strane Općinskog suda Bihać,
- Ovjerena kopija Uvjerjenja o poreznoj registraciji, izdano dana 09.12.2002. godine od strane Federalnog ministarstva finansija, Porezne uprave – Kantonalni ured Bihać,
- Ovjerena kopija Uvjerjenja o registraciji/upisu u Jedinstveni registar obveznika indirektnih poreza, broj: 04/1-UPJR/1-5937-2/09 izdanog dana 23.11.2009. godine od strane Uprave za indirektno oporezivanje – neizravno oporezivanje Banja Luka,
- Ovjerena kopija Rješenja, kojim se utvrđuje da poslovne prostorije u kojima će se obavljati proizvodnja betonskih proizvoda za građevinarstvo, a koje koristi d.o.o. „GRADNJA-FINAL“ Bužim, ispunjavaju minimalno tehničke uslove u pogledu opremljenosti i druge uslove propisane Zakonom, šifra dj. G-26.6126.610. Sjedište proizvodne djelatnosti je u Bužimu – Varoška Rijeka bb.; izdanog od strane Službe za privredu, Općinskog načelnika općine Bužim pod brojem 02/3-23-450/03, dana 01.07.2003. godine u Bužimu,
- Kopija uplatnice upravne pristojbe, federalne upravne takse,
- Ovjerena kopija Rješenja, kojim se odobrava d.o.o. „Final-komerc“ zastupan po direktoru Šahinoviću Rasimu iz Bužima, da kao investitor može otpočeti sa izvođenjem radova na poslovnim objektima u Varoškoj Rijeci, na zemljištu označenom kao k.č. broj 3272/2, 3273/2 k.o. Varoška Rijeka i k.o. 1257 k.o. Lubarda; izdano od strane Općinskog načelnika općine Bužim pod brojem 02-23-341/99, dana 24.12.1999. godine, u Bužimu,
- Ovjerena kopija Rješenja, kojim se daje urbanistička saglasnost D.O.O. „Final-komerc“ iz Bužima zastupan po direktoru Šahinović Rasimu, općina Bužim za legalizaciju stambenih objekata na parceli 3272/3, 3273/2 k.o. Varoška Rijeka i k.č. 1257 k.o. Lubarda; izdano od strane Općinskog načelnika općine Bužim pod brojem 02-23-102/99, dana 01.06.1999. godine, u Bužimu,

- Kopija Rješenja, kojim se utvrđuje da poslovne prostorije u kojima će se obavljati proizvodnja betonskih proizvoda za građevinarstvo, a koje koristi d.o.o. „GRADNJA-FINAL“ Bužim, ispunjavaju minimalno tehničke uslove u pogledu opremljenosti i druge uslove propisane Zakonom za obavljanje građevinske djelatnosti: šifra dj. G-26.6126.610. Sjedište privrednog društva je u Bužimu – Varoška Rijeka bb.; izdanog od strane Službe za privredu, općinskog načelnika općine Bužim, pod brojem 02/3-23-460/03, dana 01.07.2003. godine, u Bužimu,
- Ovjerena kopija Zaključka, kojim se odobrava Plan aktivnosti postojećeg pogona i postrojenja operatora „Gradnja – final“ d.o.o. Bužim, Varoška Rijeka bb, za proizvodnju betona i betonske galanterije na lokaciji Varoška Rijeka bb, općina Bužim; izdanog od strane Ministarstva za građenje, prostorno uređenje i zaštitu okoline Unsko-sanskog kantona, pod brojem 11/2-23-5011-UP-1/2012, dana 05.04.2013. godine u Bihaću,
- Ovjerena kopija Rješenja, kojim se izdaje okolinska dozvola operatoru „GRADNJA FINAL“ d.o.o. Bužim za postojeći pogon za proizvodnju betona i betonskih proizvoda u naselju Varoška Rijeka, općina Bužim, na zemljištu označenom kao k.č. br. 3272/2, k.o. Lubarda, ukupne površine 1470 m², kapaciteta 15m³/h; izdano od strane Ministarstva za građenje prostorno uređenje i zaštitu okoliša Unsko-sanskog kantona pod brojem 11/2-23-10113-UP-1/18, dana 23.01.2019. godine, u Bihaću, (istekla važnost),
- Ovjerena kopija Rješenja, kojim se utvrđuje da su izvedeni radovi na poslovnim objektima, stalnog karaktera u Varoškoj Rijeci, čiji je investitor d.o.o. „Final – komerc“ zastupan po direktoru Šahinović Rasimu iz Bužima izvršeni u skladu s projektno-tehničkom dokumentacijom na osnovu koje je dato odobrenje za građenje kao i da su objekti izgrađeni u skladu sa tehničkim propisima, standardima i normativima; izdano od strane Službe za prostorno uređenje, zaštitu okoline, katastar i geodetske poslove, stambene i komunalne i imovinsko-pravne poslove općine Bužim pod brojem 02/1-23-345/99, dana 30.12.1999. godine, u Bužimu,
- Original Katastarsko-knjižnog izvadka broj 1029, K.O. Varoška Rijeka, izdan od strane Službe za prostorno uređenje, zaštitu okoline, katastar i geodetske poslove, stambene, komunalne i imovinsko-pravne poslove općine Bužim pod brojem 02/1-26-759/23-3, dana 11.10.2023. g.,
- Original Katastarsko-knjižnog izvadka broj 832, K.O. Lubarda, izdan od strane Službe za prostorno uređenje, zaštitu okoline, katastar i geodetske poslove, stambene, komunalne i imovinsko-pravne poslove općine Bužim pod brojem 02/1-26-759/23-2, dana 11.10.2023. g.,
- Original Zemljišnoknjižnog izvatka, BROJ: 018-0-NAR-23-000 949, Zemljišnoknjižni uložak broj: 1029, Katastarska općina; Varoška Rijeka; izdan od strane Zemljišnoknjižnog ureda Općinskog suda u Bosanskoj Krupi - O.J. Bužim, dana 11.10.2023. godine,
- Original Zemljišnoknjižnog izvatka, BROJ: 018-0-NAR-23-000 950, Zemljišnoknjižni uložak broj: 832, Katastarska općina; Lubarda; izdan od strane Zemljišnoknjižnog ureda Općinskog suda u Bosanskoj Krupi - O.J. Bužim, dana 11.10.2023. godine,
- Ugovor o zakupu, zaključen sa zakupodavcem, Skenderović Fikretom, dana 31.12.2022. godine, u Bužimu,
- Punomoć zastupnika podnosioca zahtjeva broj 617/23 od 12.10.2023. godine,
- Zaključak o visini i roku za plaćanje posebnih troškova, izdanog od strane AVP Sava pod brojem UP-1/21-3-40-446-2/23, dana 30.10.2023. godine u Sarajevu te kopija uplatnice posebnih troškova za izdavanje vodne dozvole,
- Kopija Rješenja o prethodno izdatoj vodnoj dozvoli broj UP-I/25-3-40-263-8/18 od 16.08.2018. godine
- Kopija Zapisnika o stručnom nalazu Monitoring uticaja na okoliš izrađen od strane Instituta za ekologiju doo Tuzla, od 21.06.2022. godine
- Analiza otpadnih voda po izvještaju 454-01/22 izrađena od strane Instituta za hemijsko inženjerstvo doo Tuzla dana 01.07.2022. godine, sa zaključkom „Zadovoljava“
- Kopije uplatnica o plaćanju posebnih vodnih naknada
- Original primjerak detaljnog dinamičkog plana „Gradnja-Final“ doo Bužim, izrađen pod brojem 166/24 od 28.03.2024. godine,

Nakon pregleda dostavljene dokumentacije, u skladu sa članom 12. stav (5) i (6) Pravilnika o sadržaju, obliku, uvjetima i načinu izdavanja i čuvanja vodnih akata, izvršen je pregled izgrađenih objekata pogona za proizvodnju betona i betonskih elemenata sa pratećim sadržajima i tom prilikom sačinjen zapisnik o uviđaju broj: UP-1/21-3-40-446-3/23 od 02.11.2023. godine.

Pogon „GRADNJA - FINAL“ d.o.o. Bužim je lociran u naselju Varoška Rijeka, općina Bužim, sa lijeve strane putne komunikacije regionalne ceste Bosanska Otoka – Bužim – Velika Kladuša, na odvojkju nekategorisanog asfaltnog puta za naselje Eminići. Osnovna namjena pogona je proizvodnja betona i elemenata od betona. U krugu pogona locirani su slijedeći objekti: prostor za skladištenje agregata za proizvodnju betona na otvorenom, objekta betonare, dva vertikalna silosa za cement, objekta sa sanitarijama za radnike, te manipulativnog prostora, koji su smješteni na prostoru pogona namijenjenog za proizvodnju betona, sa lijeve strane vodotoka rijeke Bužimice. Na desnoj obali rijeke Bužimice je smješten pogon za proizvodnju betonskih elemenata i upravne prostorije, a čine ga: radna pista mašine za proizvodnju betonskih elemenata, skladište gotovih proizvoda, parkirni prostor, proizvodna hala sa upravnim prostorijama, te parking prostor za mašine. Radni i manipulativni prostor kod oba pogona je asfaltiran i nivelisan prema koritu rijeke Bužimice. Oborinske vode sa manipulativnog platoa pogona, koje mogu biti zauljene naftnim derivatima od radnih i transportnih mašina, te vode sa radnih prostora betonare i skladišta gotovih proizvoda, koje mogu sadržavati suspendovane materije, se slijevaju u okolni prostor bez prethodnog tretmana. Nije izveden plato za pranje i održavanje radnih mašina i automješalica za transport svježe betonske mješavine.

Nije urađena projektna dokumentacija načina nastanka, prikupljanja, tretmana te ispuštanja otpadnih voda sa lokacije predmetnog pogona, što je bio uvjet prethodno izdanog akta o vodnoj dozvoli. Do momenta izvršenja terenskog uviđaja nisu vršena mjerenja kvaliteta otpadnih tehnoloških voda niti je sklopljen Ugovor sa ovlaštenom laboratorijom.

Razmatrajući podneseni zahtjev, a na osnovu dostavljene dokumentacije i uviđaja izvršenog na predmetnom lokalitetu, a u svrhu smanjenja negativnih uticaja predmetnog objekta i aktivnosti na stanje voda i vodni režim, podnosiocu zahtjeva su ovom vodom dozvolom, u tački 3. dispozitiva ovog Rješenja, propisani uslovi pod kojima je izdano ovo rješenje i koji se trebaju ispoštovati u toku važenja istog.

Na osnovu provedenog postupka konstatuje se da je podnosilac zahtjeva, „GRADNJA-FINAL“ d.o.o. Bužim, ispunio minimum uslova za izdavanje vodne dozvole te je riješeno kao u dispozitivu ovog rješenja.

Podnosilac zahtjeva je na ime izdavanja ovog vodnog akta izvršio uplatu pristojbe iz tar. broj 43. Zakona o federalnim upravnim pristojbama i Tarife federalnih upravnih pristojbi („Službene novine Federacije BiH“, broj 06/98 i 8/00).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradivač akta: Fuad Mujagić, dipl. inž.

Po ovlaštenju
Rukovodilac sektora za izdavanje
vodnih akata



Haris Ališehović, dipl. inž. građ.

Dostaviti:

- „GRADNJA-FINAL“ d.o.o. Bužim, Varoška Rijeka bb, 77 245 Bužim
- AVP Sava, ISV – Vodna knjiga
- Sektor 50
- Sektor 40, arhiva,
- Ogalsna ploča AVP Sava